

先秦—清末

《中國野史集成》編委會 編

四川大學圖書館

中國野史集成

錢謙題



巴蜀書社

《中國野史集成》編委會
四川大學圖書館 編

	中
集	國
成	野
45	史

先秦——清末



巴蜀書社

目錄 (第四十五冊)

靈軍紀略	一
從戎紀略	二六九
弢園筆乘	三〇二
洪楊軼聞	三一六
洪福異聞	三二九
蘭陵女俠	三三〇
太平詩史	三三四
武川寇難詩草附討賊檄	三五一
武昌紀事	三五六
癸丑中州罹兵紀略	三六六
金陵癸甲紀事略附粵逆名目略	三六八
金陵癸甲撫談補	三八二
金陵紀事雜咏	三八三
從軍紀事	三八五
揚州禦寇錄	三九二
粵氛紀事	四二六
盾鼻隨聞錄	六二一

江南春夢庵筆記	六四一
髮逆初記	六四五
洋兵紀略	六四七
武昌兵燹紀略	六五六
金陵省難紀略附賊據城後大略	六五九
金陵癸甲新樂府附城外新樂府	六六八
金陵被難記	六七四
張繼庚遺稿	六七五
鏡山野史	六八一
金壇見聞記	六八六
常熟記變始末	六九二
蘇臺麋鹿記	六九三
東南紀略	七〇二

霆軍紀略

國朝龍興以索倫滿洲兵威天下平準回平金川猶然其用鄉勇自平川陝教匪始至粵捻之亂而鄉勇戰蹟益著迄於今不衰川陝之役帥鄉勇立功名者推蜀人羅壯勇公粵捻之役湘淮兩軍踵起名將林立而其百戰百勝自成一隊者尤推蜀人鮑君春霆蜀固多將材哉然川陝之役賊蹤所至不過五省軍數不過十萬其用兵不過七年粵捻縱橫十六省僭竊十三年兩軍相搏所驅役動以數十萬計鮑君自廣西應募大小更數百戰洵爲胡文忠曾文正兩公所知言之於

卷一 紀略

序

朝卒平悍賊獻馘告成君遂筦軍符執轂壁爲

天子虎臣其勳名遭際蓋眎羅壯勇爲尤盛也余以同治乙丑仲冬參預機務越月而君有嘉應之捷於是東南肅清移其軍勦捻踰年而君謝病歸遂未得與君相見其後監修方略觀曾胡二公奏疏敘君臨戰號勇之壯意必喑噫叱咤力足裂犀兕之革而曳九牛之尾及余庚辰釋服再典樞密會有防海之役

特詔起君於家卽拜湖南提督君聞命亟赴乃得一執手於朝堂則固恂恂然儒將也君言官守備時胡公更其字春霆

以霆名軍不忘胡公也嘗欲推爵讓胡公以章其以人事君之美事雖不果然君之拳拳知已識地過人宜乎勳業爛然

出
中興諸將之右矣余以時艱方亟謂君久歷兵事豈嘗有所述作如戚少保紀效諸書足以留詒後來者君唯唯謙不敢承而他日君之鄉人陳大令昌以霆軍紀略示余宋際達道嘗爲孫威敏征南錄專表汚功藍鹿洲居藍廷珍幕中因作平臺紀略大令所紀上輯方略下采曾胡二公奏議年經事緯敘次頗不蕪雜亦君之達道鹿洲矣雖然余微惜大令之霆軍紀略

序

二

成書過早而益堅君勇退之懷也方今時局艱危

聖人宵旰徵召老成勤思將帥殆無虛日昔馬伏波年六十猶據鞍顧盼以示可用陶桓公鎮廣州以西北未平輒朝夕運甓勵志勤力君之齒猶未也報

國之志宜眎前人而亟然則盱衡世事此豈吾輩銘鍾刻石時哉大令旣游余門其以余言致之鮑君安知時會所遭不如明馬端肅之有三記

國初固山貝子之有功蹟諸錄乎抑余聞當勦粵逆時軍中賊中咸稱多鮑霆軍有記而多忠勇殉節陝西其戰事自

國史外遂無有搜輯傳之者吁可慨也

光緒八年歲次壬午三月二十一日高陽李鴻藻

霆軍紀略

序

三

霆軍紀略者余同年陳世五儀部為今湖南提督一等子奉節鮑公作也鮑公於咸豐中以霆軍之名震宇內如左所稱龍城飛將者雄威若婦孺咸知而其乘機決勝諸略亦在可為後世法即古握奇陰符龍輻輪鈴之秘何多讓焉不有載言何以傳信至五四年爰取綱目編年之體大書分注自公從戎以迄撤兵

霆軍紀略

四

凡若干年書成畀余讀之余雖江淮草木之若見公於勅風振稿時也他日者鮑公勲業且將震古燦今世五耳筆紀事以誼金管之采者亦復相須於多病焉世有言甫可至張仲朴光緒辛巳秋九月阮望賜進士及第翰林院脩撰教習詹吉士元和陸潤庠好跋

霆軍紀略凡例

一西蜀山川雄秀智勇魁奇之士代產其間故華陽國志稱巴有將蜀有相國朝奇才應運蜀中人士先後以武略顯者如三等威信公岳襄勤鍾琪一等昭勇侯楊忠武遇春尙已此外曾叨易名盛典如順康閒之鎮遠將軍李壯敏芳述韓勤毅良卿韓果壯勳岳敏肅昇龍雍正閒之楊襄壯天縱乾隆閒之岳莊恪鍾璜本勤毅進忠三等壯烈伯許昭毅世亨許壯勇文謨譚恭愨行義嘉道閒之羅壯勇思舉桂壯勇涵何襄勤占鼇諸

霆軍紀略凡例

一

君子亦其尤著者也迨粵匪倡亂如張武壯必祿向忠武榮羅壯勇王斌虎忠壯坤元劉剛愍存厚謝忠愍子澄馬武烈天貴張確愍萬祿周忠壯天受周武壯天培周威毅天孚張忠壯王良蔣勇果玉龍楊威肅忻楊忠勤鼎勳江提軍長貴王勇毅萬釗黃廉訪鼎雷提軍正綰馬提軍德昭志節勳名各具不朽而以前浙江提督今湖南提督一等子奉節鮑公超為最顯於時曾文正公所謂苦戰功高一時名將無出其右者也嘗欲輯李公以下至近世諸君子戰功事實倣曹能始蜀中人物

志之例都爲一集曰蜀將錄因事狀尙待搜採未敢率爾操觚近於曹署餘閒先將鮑公事蹟述爲一編曰霆軍紀略

一鮑公之軍起自湘楚其以主將名字名其營亦沿楚軍例也惟自成軍以後聲威浸盛人數遞增將弁勇丁蜀人不少故咸豐十年以後大帥督撫書牘中時曰鮑軍時曰霆軍蓋以別於湘楚各軍也迨同治五六等年大帥督撫奏疏及所奉疊次諭旨中俱將霆軍與湘軍淮軍並列言之是鮑公所部雖未立有川軍蜀軍之名

霆軍紀略凡例

二

亦不得徑稱爲楚軍矣當時旗幟號衣俱署虎勇字樣今名此書不曰楚軍恐混淆也不曰鮑軍嫌標榜也不曰虎勇避習氣也惟霆軍二字屢見於奏牘及諭旨內因以霆軍紀略名篇

一此篇用編年體大書以提要分注以紀言仍參用紀事本末體使支幹分明脈貫通

一鮑公乃生存之人尙待論定若由秉筆者口中加一推美之詞縱極切當亦嫌標榜今將欽定勦平粵捻各方略及胡文忠公遺集曾文正公奏議書牘中關涉霆

霆軍紀略凡例

三

軍者撮要採入凡兩朝之廟謨大帥之方略俱可考見其屢蒙天語褒嘉如曰忠勇性成曰忠勇堪嘉曰謀勇兼優曰謀勇素裕曰驍勇善戰曰勇略出羣曰深諳將略調度得宜曰勇略過人所向克捷曰勇敢異常厥功甚偉曰勇敢善戰各軍倚以爲重曰謀勇兼著屢立奇功爲江皖諸軍之冠曰破數萬賊眾如摧朽拉枯曰所向大捷屢復名城曰賊眾聞風膽落肅公立奏曰聲望素著曰素著聲威曰戰功卓著實爲國家千城之選曰所向有功非尋常統兵將領可比曰朝廷畀以

千城腹心之寄與尋常將領相待不同等語間臣得荷一言已爲榮幸至大帥疆臣奏疏中稱許鮑公之詞尤不一而足既分見於篇中各節何庸另加擬議

一曾文正公嘗言做部搭羅李鮑外間有文人敘其戰績已與當時實事迥不相符因此竊疑古人之書多裝飾成文而不可以盡信云云此編所據以欽定方略爲主間採胡曾兩公書牘兩公皆鮑公舊帥親歷行間其言無不確實其書久已刊行海內眾論翕服今凡採入處均照原文不敢竄易一字此外馳箋候質者多頌禱

之詞未可據爲定論絕不攔入免涉浮夸當時盛稱霆軍威名者多謂同時將領中往往因賊情緊急輒權樹霆軍僞幟或詭爲鮑公告示沿途張貼以惑賊志而定軍心甚或賊於戰敗後訶知其實整隊復來奮力鏖鬪適值霆軍果到賊竟不支因此益畏霆軍霆軍非捲旗出隊賊必不與交鋒又據降將之言向在賊中常侍諸僞王飲僞王於席間接閱軍報知某起官兵至而豪飲歌呼如故若無事然或一閱軍報而手顫齒擊不能舉箸交頭附耳若有祕商而不可令帳外聞者則必鮑軍

霆軍紀略 凡例

四

將至也蓋僞王等恐搖奪眾心故以鮑軍之至爲諱而左右則已望色而知之又賊中相詬訾輒曰會見汝出遇鮑軍也又有謂杜文秀之退回大理老巢亦係誤傳鮑公先聲所致文秀曾密遣其黨至蜀擬向鮑公乞降未果此等傳聞無問確否總近虛誇故此篇絕不涉及至所傳賊中歌謠亦足證霆軍聲威然其辭多鄙俚不堪概從屏絕以歸矜慎

一楊忠武公年譜載主帥文襄公福康安忠毅公額勒登保相待之不同魏默深嘗辨其誣鮑公自統陸師始隸

胡文忠公後歸隸曾文正公左公宗棠李公鴻章皆鮑公同時共事之人同治甲子以後左李兩公先後督師鮑公亦嘗受其節度其時已榮膺五等自成一軍此書於調度機宜悉遵方略等書採錄而一時大帥羣帥相得益彰之處不贊一辭免啟後人紛辨

一軍興以來各路兵勇譁潰變之事不一而足同治四年霆軍西征之營在湖北金口潰變曾文正公奏稱該軍積勞太久立功最多將卒以屢勝而驕又以無餉而怨又憚萬里遠征之苦又值主將回蜀之時其致變之

霆軍紀略 凡例

五

故與別軍迥不相同等語持論最爲平允此篇將金口潰變及上杭索餉始末據事直書以免久後傳聞失實一同治五六年冬春之間秦楚兩省俱迫待霆軍往援因值督師大臣交替之際致調度如舉棊不定霆軍幾於無所適從迹涉遷延屢奉嚴旨訓飭鮑公此時得專摺奏事顧但以進退不能自主動與賊左爲恨而於廷旨及大帥督撫函咨未嘗訴辯一詞蓋其所處甚難而用心亦良苦此篇於前後所奉溫嚴各旨依次敬錄以見功臣名將必經磨勵而成至鮑公永隆河大捷

後因傷病奏請離營 廷旨疑之及聞其病勢沈重乃疊加 恩獎 賞假賜蔭 諭令慎重醫治並飭督師大臣俟其病痊加意聯絡以副始終成全之至意既又許其回籍調治仰見 聖天子明見萬里體恤功臣名將絕不強以所難前後 諭旨亦敬錄於篇以著鮑公千載一時之遇若置 嚴旨不錄則鄉野未窺 國史不免傳聞異辭妄生論議鮑公心迹反爲不彰矣

一 霆軍勦辦髮捻未嘗敗衄惟同治元年秋間鮑公離營在蕪湖養病而古隆賢等股以數十萬之眾乘勢圖犯

霆軍紀略 凡例

六

甯國大營時軍士疫疾死亡過半曾文正公檄令霆軍將領朱國承等以三千病羸之卒禦賊於新河莊損折勇丁數百及再出隊亦不利然俱能如法收隊而回未致潰敗及鮑公病愈回營遂一戰而肅清寧郡此 諭旨所謂甯國雖偶爾小挫鮑超謀勇兼優必能支持者也篇中據事直書免蹈誇功諱敗陋習

一 楊果勇侯芳自訂年譜於部曲及同事諸人皆附注其籍貫官閥用意甚爲公厚李公鴻章嘗奏稱鮑某營中驍將甚多沈文肅公奏稱霆軍中驍將著名者不可勝

計曾文正公奏稱鮑某所部各營官多係著名驍勇又曰霆軍諸將皆百戰餘生此書旣名霆軍紀略則鮑公部下將士皆得因事附見以存其人惟籍貫官閥驟難盡考止將姓名及苦戰事蹟稟見於敘戰各條中其臚列將領營官姓名如命某人某人攻某路之類皆同治三年五月以前有曾胡集中原疏可考者也其但舉一人而以等字該之者則三年五月以後無奏報原稿可憑而但照方略刪繁就簡之文敘錄者也戰狀或詳或略亦職是之故

霆軍紀略 凡例

七

一 咸豐六年以前未有霆軍名目而鮑公實已苦戰數年同治七年全撤霆軍以後鮑公舊部如仁字營之勦捻匪備海防擢勝營之平台番霆慶霆匯等營之屯戍江南福建皆謹守霆軍家法甚著聲績此書自道光三十年鮑公隨征廣西起爲霆軍溯其源也未唐孫諸人軍事皆分年互書爲霆軍衍其緒也其霆軍舊將開府建牙分鎮各省而未立有營名者不書

一 霆軍戰事旣多先後保舉大小文武員弁約以萬計茲將每次捷聞後所奉 諭旨敬錄於篇其隨摺保獎各

名卽因之以見至彙案保獎同治元二年以後人數較多蓋其時軍事方殷 朝廷甄錄無遺遼軍所部下至什長無不積保官階遇有苦戰不能不按名開敘其勢然也茲將同治六年永隆河一案遵照 諭旨全錄俾閱者知當日保案大概餘不臚列以省繁冗其陣亡傷故者前後數千人篇中隨事附見其無公牘可考者姑闕之

一遼軍或與別軍同辦一事則分注中必帶敘別軍以昭公允若將別軍徑從抹煞則嫌於伐善攘功但詳略之

遼軍紀略 凡例

八

閱不令喧賓奪主其提綱處當鮑公在水軍爲營哨時多以水師獲勝某處克復某處爲文及鮑公爲陸軍統領則概以鮑公克復某處會克某處爲文

一遼軍苦戰十數年立功八九省同時各路賊勢變遷軍情利鈍今隨時隨地牽連及之庶閱者了然於當日之時勢而羣帥之勤勞節概亦可互見其略卽遼軍之實迹益以相形而著

一篇內遇有遼軍部將雖位躋專閫亦直書其名以示別於主帥此外帶敘諸人或名或不名良由脫藁時旣多

信筆抄錄付梓時又倉卒失於校勘以至體例未能盡一並非有意抑揚輕重於其閱者諒之

一鮑公自同治三年冬籌備出關事宜奉 旨准其專摺奏報以後遇有摺奏皆係鮑公自出機杼其關係緊要機宜者每口授具疏頃刻數百千言此篇將其前後奏稿隨事載入但節其首尾例語而於正文不增減竄易一字以存其真

一故事武職大員單銜具疏自稱奴才與旗籍臣工一例而 欽定勦平粵捻各方略於滿漢文武臣工奏疏則

遼軍紀略 凡例

九

概以臣字爲文此篇所錄鮑公各奏稿謹遵方略一例稱臣

一此篇所紀遼軍戰蹟皆據奏報公牘其一切臨機應變料敵設奇以及軍中瑣事之可傳者應俟搜訪確實附入續編至遼軍之戰守會文正公目爲一家法門今將其練陣練心練耳目練技擊紮營拔營行隊臨敵接戰督陣選將馭將簡卒收降馭降將調度別軍各法及馬步營制餉章略紀於第十四卷同治七年全撤遼營一條分注之後

一曾文正公嘗奏稱鮑某平定東南無役不從實爲第一
著名驍將又云名位勳勞以鮑某爲最著李公鴻章亦
奏稱鮑某戰功實冠諸將之上然 恩遇亦復逾恆計
勦平髮捻諸武臣先鮑公而得子男爵者有李公臣典
蕭公孚泗後鮑公而得男爵者有劉公銘傳鮑公則於
爵封世職 賞穿黃馬褂 賞戴雙眼花翎外因奪情
而蒙 賞銀營葬者一次因病而蒙 賞人役者一次
因捷聞而蒙 賞搬指荷包等物者二次年終蒙 賞
御書福字及銀錠食物各件者五次俱照公牘隨時載
入篇內謝摺亦錄一次以概其餘庶有志功名之士聞
此益激發忠義焉

軍紀略 凡例

一

一曾文正公楊公岳斌皆鮑公主帥亦恩師也胡文忠公
傾身結納聯爲昆弟之交而鮑公實師事之且締造靈
軍者也篇中遇此三公陞遷除授之大者或附書或特
書不敢從闕庶有當於鮑公感恩知己之心

一篇中有同此一事既見於奏疏中又兼錄大帥函咨者
良以公牘私函言各有當皆足以證當日事實此篇之
作欲使後之秉筆者據爲底本故甯詳毋略甯密毋疏

一此書旣以備紀述者之採擇亦將使千城武夫之繼起
者以是資其觀感得有所慕效以勵其材故純用公牘
語取明淺易讀博雅君子毋以史例金石文字相苛也
一此書本截至光緒四年止凡十四卷正付剞劂間鮑公
起任湖南提督奉 命募軍北上屯鎮海疆翊衛京圻
時經一載雖無戰事而建威銷萌於時局不無關係爰
將光緒六七兩年鮑公所奉迭次 諭旨及所上籌防
撤防各奏疏以次編爲十五十六兩卷

軍紀略 凡例

二

霆軍紀略卷一

銅梁陳昌世五編輯

門人吳樹棠全校字

庚戌道光三十年鮑公隨征廣西

鮑公名超字春霆原字春亭官守備時湖北巡撫胡文忠公林翼稱其英鷲無匹特取如雷如霆之義爲改字春霆四川夔州府奉節縣人也嗣父昌元公爲夔州協標馬兵道光二十五年鮑公年十七歲考補協標守兵初鮑公因本生母劉太夫人食貧撫已成立營獨居深念黃博一材

霆軍紀略卷一 道光三十年

武官職得升斗以養親於是專致力於營鎗技朝夕學之每執鎗必以磚石懸前肘由一二斤重漸加至十餘斤久遂百發百中補名糧時額缺一而同與考者六十人經將官營弁數次揀校而去留之鮑公歷試皆第一因得入伍居久之竊自忖曰吾技雖精僅一夫之勇耳因取說部所傳雲臺凌煙諸將相及郭汾陽岳忠武事蹟時時招文士講說一入耳卽識其詞不忘並悟微當日成敗得失之故用是益慕古人忠藎之名豔羨將帥號令風雷之象毅然欲折衝千里炳績旂常矣上年九月湖南新甯土匪李元

發滋事大府調兵剿捕久無功至是鮑公乃辭去名糧星夜馳往湖南冀得當以立功及抵湖南而元發已就擒適廣西賊匪洪秀全等起事於桂平縣之金田邨所謂長髮賊也固原提督向忠武公榮調任廣西率師會剿鮑公因入川勇營赴粵是爲鮑公隨征廣西之始

辛亥咸豐元年鮑公隨征轉戰至永安州

時大學士賽尙阿公督師而鮑公所隸營統將爲瞿威壯公騰龍官軍連擊賊於桂平之新墟雙髻山風門坳等處鮑公俱與焉是時諸路兵會剿粵西者惟鎮筸兵潮州勇

霆軍紀略卷一 咸豐元年二年

兩軍最號精悍鮑公每戰輒奮臂當先與鎮潮兩軍先鋒爭致果毅務出其前兩軍兵士皆服其勇敢敬禮有加已而賊由大黃墟竄陷永安州城官軍進逼之鮑公屢有斬獲

壬子咸豐二年鮑公回長沙養傷尋以功得獎

時長沙協營兵在粵剿賊忠武公搭齊布方爲弁備以鮑公奮勇敢戰於正月初一日拔補長沙協標守糧先是瞿威壯公於所部數千勇丁中獨記鮑公姓名而識其人每於屯營行隊時呼與語嘗指以謂諸將士此遠到材吾行

讓之出一頭地矣及隸長沙營搭齊布公尤器之二月十九日拔補戰糧時永安之賊潰圍東竄撲犯廣西省城官軍馳援三月十九日鮑公隨擊賊於文昌門外鏖戰縱火燒得元樓鮑公身受重傷驗列頭等六月十三日奉撤回長沙本營養傷八月賊圍長沙省城會鮑公傷初愈屢隨搭齊布公出城勦斬獲獨多及長沙解圍經巡撫張公亮基獎給六品頂帶鮑公自粵而楚至是已大小數十戰矣

癸丑咸豐三年鮑公在長沙營操練

遼軍紀略 卷一 咸豐二年三年

三

粵逆於正月十二日攻陷江甯省城踞之湘鄉曾文正公以丁憂侍郎幫辦湖南團練查匪事宜委搭齊布公兼領辰勇湘勇合同操練無虛日鮑公與其役勤奮備至

甲寅咸豐四年

三月鮑公入曾文正公行營

賊自踞金陵爲僞都後分股上竄江西湖北同時戒嚴湖廣總督吳文節公文鎔正月在黃州陣亡於是賊氛益熾竄陷岳州府遂由湘陰趨靖港陷甯鄉三月初二日曾文正公率水師至岳州而所派陸軍王壯武公鑫敗於羊樓峒賊乘勝上犯攻城甚急文正檄舟師登岸擊賊拔出城中軍民退保長沙靖港之賊尋分股陷湘潭豎立木城以阻援師二十八日搭齊布公率陸營至戰大捷先是文正

遼軍紀略 卷一 咸豐四年

四

訪將才於搭齊布公以鮑公應至是文正調鮑公入營差遣嘗令其侍左右因益知其才甚器之五月鮑公入水師營

曾文正公自率師東征軍情之利鈍不一至是同長沙重整水陸各營委鮑公爲水營哨官分帶長龍戰船一號隸右營楊公岳斌麾下是爲鮑公入水營之始時楊公名載福官千總

六月鮑公會擊賊於雷公湖勝之

自四月初二日水陸會克湘潭賊退出湖南境旋復上犯

陷華容並岳州踞之水師各營於上月十三日自省河進泊鹿角遏賊上竄之路二十七日進泊萬石湖二十九日夜分五隊進兵鮑公隨楊公岳斌埋伏雷公湖上游與各營合擊賊敗之燬其船百餘隻斃匪數百鮑公初入水營卽於船上樹鮑字旗一又於桅上標紅綾長丈餘以示異於別隊語人曰如此庶勝敗易識別勝則後繼者可乘勢接應敗則過無可諉且使賊尋戰誓不與俱生也每以單舸直搗數十百賊艘中堅縱橫出入賊艘皆辟易與各營哨會戰出隊必鼓棹在前收隊則停橈殿後楊公嘗於其

鑑宜紀略

卷一 咸豐四年

五

深入時以西洋遠鏡觀陣見紅綾船上礮火向官兵轟擊疑爲鮑公船又疑爲賊船比詢之乃鮑公憤後隊兵船退縮以礮向空同擊且擊且詈恫之使齊進乘賊也方其始立水戰功也收隊後營哨至曾文正公前稱賀者輒自詡云某某等俱怯獨我與鮑某奮力勝賊耳數十人先後入賀皆如此致詞文正知眾人皆詭附鮑公以自掩著益信鮑公功及召鮑公入避席握手勞之曰汝真善戰者汝不言功而眾人已代汝表著矣

七月水師克復岳州府城尋擊賊於城陵磯道陵磯等處連

破之

自有雷公湖之捷初一日五鼓各戰船駛至岳州城下而城賊已宵遁各營因分泊南津港君山一帶初三日復有下游賊駛至我師仍分五隊迎敵誘賊至城陵磯鮑公隨楊公由湖東沿岸斜擊彭公玉麟繞湖西抄其尾褚汝航往來策應賊三路皆敗我軍合隊進追由城陵磯螺山白螺磯等處直追七十餘里因天晚收隊時下游擂鼓台一帶尚有賊船數百號我軍於初六日卯刻迎風擊之鮑公隨楊公及彭公當前敵未刻抵道陵磯與賊鏖戰二時之

鑑軍紀略

卷一 咸豐四年

六

久勝負未分北風大作下游賊艘魚貫而上愈聚愈多我軍船僅六十餘號離南津老營已六十餘里勢甚危險楊公帶同鮑公駕三板艇穿入賊隊且戰且下約三四里許繞賊之背擲火礮火毬連燒其船十數隻下游續來之賊始退竄上游賊迴顧倉皇陣遂亂彭公等各營乘勢夾攻自未至戌鏖戰數時之久燒其船四百餘號斃賊二千生擒百餘奪船二十餘號十四日復隨楊公會搭齊布公陸軍同破伏賊於城陵磯夾洲等處賊雖屢敗尙盤踞於城陵磯下游一帶又將漢口賊舟數千傾巢上犯連檣數十

里十六日登州鎮總兵陳公輝龍督率所部戰船進剿褚汝航夏鑾繼進彭公楊公酌撥長龍三板作聲援陳公至城陵磯迎敵因風大舟膠爲逆船圍裹與褚汝航夏鑾同時陣亡失去戰船多隻惟楊公與彭公完全無恙二十五日湖北新添悍賊二萬人悉銳來岳經搭齊布公及羅公澤南等連日會擊三戰三捷曾文正公以陸軍大戰賊勢全注陸路飭水軍於二十九日乘隙進剿鮑公隨楊公爲前鋒李公孟羣派船策應追賊至擂鼓台荆河腦等處大破之捷聞奉

靈軍紀略 卷一 咸豐四年

七

上諭楊岳斌著以守備用並賞戴花翎鮑超著以外委儘先拔補並賞戴藍翎

閏七月水師踏盡沿江賊營追賊至嘉魚縣境搜剿湖匪至金口復獲大勝

時搭齊布公及羅公澤南等陸軍掃平高橋賊壘尋會四川臬司胡文忠公林翼軍破賊於羊樓祠初二日曾文正公因陸軍追逼敗賊至江岸卽飭各營會擊鮑公隨楊公岳斌奮力追剿燒賊船百餘隻與各營會追將沿江二百里賊巢剿洗殆盡初十日以後連捷於黃蓋湖沅潭市六

溪口黃龍團等處乘勝直下金口扼據要隘捷聞奉

上諭楊岳斌著免補都司以游擊儘先補用鮑超著以千總儘先拔補

八月水師獲勝於沌口尋克復武昌漢陽兩城

先是署湖北巡撫青磨守武昌省城數月糧盡援絕率飢軍突圍而出城遂陷至是搭齊布公及羅公澤南等陸軍克復崇陽初八日鮑公隨楊公岳斌往沌口巡哨與賊鏖戰一時之久勝之曾文正公於十一日進駐金口規武漢十二日親赴沌口相度形勢水師各營官皆率戰船隨往

靈軍紀略 卷一 咸豐四年

八

鮑公隨楊公殿後賊分水陸抄撲擊敗之二十一日文正定三路齊下之策搭齊布公扼洪山羅公等率三千人及李光榮川勇三千攻東岸花園賊營魁玉楊昌泗四千三百人攻西岸蝦蟆磯賊營而水師從大江中路衝擊是日鮑公隨楊公將鹽關賊船二百餘號焚燬淨盡乘勝直下凡沿江木柵悉用火箭焚之攻破漢關賊營一座白沙洲金沙洲賊營二座遂進攻鮎魚套口縱火燒賊船又數十隻忽延燒其火藥大船斃賊甚眾我軍亦傷亡十七人收隊回泊沌口二十二日辰刻李公孟羣率戰船攻燒鮎魚

套未盡之船鮑公隨楊公與蕭捷三等衝過賊營直下塘
角時賊之被何越挺擊敗者揚帆下竄鮑公隨楊公等急
槳駛追翻山下竄賊船之前不片刻已近青山將輜重賊
船焚燒挂帆歸來又隨李公入漢焚其口內之船二十三
日水陸各營遂將武昌漢陽兩城克復捷聞奉

上諭曾國藩著賞給二品頂戴署理湖北巡撫楊岳斌著
以參將儘先補用並賞加副將銜鮑超著以守備儘先補
用時武漢二百里上下已無賊蹤惟襄河之賊船尙多山
亥后順流而下二十四日文正復飭水師會同荊州陸兵

平定縣志
卷一 咸豐四年

九

迎鮑公隨楊公與各水營齊用火毬火彈每隔一船輒
擲一火連焚二十餘里至羅家墩地方將賊船千餘號悉
數燒盡四更始收隊回營

九月水師破賊於蘄州城下賊尋上犯復縱火盡焚之

武漢既復總督楊公需自德安入駐武昌曾文正公因統
籌三路進兵分別水陸先後直搗下游自督水軍浮江而
下鮑公隨楊公岳斌等領戰船先下分紮蘄州上游之赫
花墩道士洑漳源口一帶十九日楊公及彭公玉麟督同
各營抵蘄州東岸賊出船百餘隻迎敵鮑公同各哨奮勇

轟擊賊船不支卽行下竄我軍以一半追赴下游趨至骨

牌磯先後燒賊船三十餘隻斃匪無數以一半攻擊未開
之船自午至酉酣戰數時將賊船六十餘隻燒盡轟斃逆
黨甚多因北岸陸師未到州城未能卽復收隊回營時已
五更計各營奪獲旗幟鎗礮共數百件而鮑公所獲視各
哨獨多時各營分紮漳源口之兩岸與蘄州賊船相距二
十餘里二十九日辰刻白人虎段瑩器等駕船往下游巡
哨蘄城賊出船圍擊白人虎等卻退賊尾追十餘里直近
老營楊公彭公會督秦國祿孫昌國等率船策應鮑公與
任星元李陞元傍南岸而行衝至蘄州以下之釣魚臺先
包賊尾然後逆擊而上將賊船裹入中段賊先乘順風上
犯倉卒不能退轉又見官軍上下圍抄遂紛紛棄船登岸
我軍自上而下者攢力以擊登岸之賊鮑公急商同任星
元等縱火焚釣魚臺賊船其上犯之船亦被我軍悉數焚
奪無得脫者

十月水師攻賊船於蘄州賊退至田家鎮尋攻斷橫江鐵鎖
至武穴焚賊舟蘄州賊棄城遁

時曾文正公以兵部侍郎銜辦理軍務水師自上月大捷

平定縣志
卷一 咸豐四年

十

後賊船灣泊蘄州城下以岸上之鎗礮護之我軍屢次誘擊堅伏不出初八日彭公玉麟等鏖戰衝過賊營之下十

五里鮑公隨楊公岳斌連日用小划誘賊出戰而以大隊圍擊初十夜賊乘大風挂帆遁去田家鎮者安徽門戶也

賊用鐵鎖橫江護以小舟木簾密布鎗礮沿南北兩岸六七里賊壘礮臺環列以防我舟師之進逼十二日各營進

紮見峰皆去鎰僅九里楊公彭公與搭齊布公羅公澤南商定大舉破敵之策分戰船爲四隊十三日辰刻搭羅等

陸軍六千人排列南岸助威水師各營依計出戰先擊退

龜軍紀略

卷一 咸豐四年

七

救護鐵鎖之賊並以洪爐大斧且鎗且推須臾鎖斷官軍

衝過鐵鎖賊驚顧揚帆下竄各隊追及縱火焚之窮追三

十餘里至武穴復縱火將兩岸賊船延燒而上陸軍亦焚

其火藥大船鮑公復與李成謀等隨楊公率十餘舟鼓棹

窮追又三十里至龍坪時已三更至次日巳刻始行歸隊

通計各隊共燒賊船四千餘隻斃賊無算蘄州之賊失恃

遂於十四日棄城夜遁當水師迭獲大勝搭羅等陸軍亦

乘勢克復大冶興國攻踏富池口半壁山賊壘並渡江克

復廣濟黃梅自田鎮捷聞奉

上諭鮑超著賞加都司銜並賞換花翎

十一月鮑公在水營穿孝

楊公岳斌自上月追賊積勞致疾在武穴水營休養至是

鮑公亦聞訃丁嗣父昌元公憂哀毀骨立堅請回籍終制

而楊公與之相依爲命再三慰留鮑公不得已乃遵制在

營穿孝二十七日念顯揚未遂父已見背痛不欲生從此

臨敵殺賊益奮不顧身矣

十二月水營敗挫於湖口姑塘鮑公自武穴駛援力戰勝之

初十日胡文忠公羅公澤南會同彭公玉麟等水軍攻湖

龜軍紀略

卷一 咸豐四年

七

口賊營未克十二日水軍舢板等船百餘號駛入內湖焚

賊舟數十號乘勝追逐至大姑塘以上賊復於湖口設卡

築壘增柵以斷其後舢板船遂不得出其在外江者皆快

艇長龍諸大船運掉不靈賊以小艇乘夜來襲戰船被焚

者四十餘號餘皆退回九江大營曾文正公飛調楊公岳

斌率戰船赴援十七日楊公自武穴力疾往下游進躬行

抵九江十五里之張家洲頭賊船已分兩路上犯楊公派

哨官張榮貴等由新河下擊鮑公隨楊公由老河下擊澄

海營何敦五亦隨勦鏖戰良久賊敗下竄追至老灣礮斃